

欽定八旗通志卷一百二十九

人物志九

宗室王公傳七

贈和碩親王饒餘敏郡王阿巴泰
原封和碩端重定親王博洛

原封和碩安親王岳樂

悼愍固山貝子蘇布圖
溫良固山貝子傅和託

贈和碩親王饒餘敏郡王阿巴泰

阿巴泰

太祖高皇帝第七子初授台吉歲辛亥七月

命與費英東安費揚古率兵一千征東海窩集部之烏爾

固宸穆稜二路皆取之俘千餘人還天命八年四月喀爾喀札噶特部長昂安執我使送葉赫被戕命阿巴泰與台吉德格類齋桑古岳託往征之乘夜疾行渡遼河由額爾格勒行百餘里攻昂安所居昂安携妻子及二十餘人引牛車遁我總兵達音布先驅追及陣歿阿巴泰督諸將繼進斬昂安及其子俘其衆還

上行郊勞禮隨征將士分

賜所俘十年十一月同三貝勒莽古爾泰貝勒濟爾哈朗
等援科爾沁時察哈爾林丹汗圍科爾沁之克勒
珠爾根城已數日我軍至農安塔林丹汗夜遁軍
還十一年九月

太宗文皇帝卽位封阿巴泰貝勒阿巴泰語額駙揚古利
達爾漢曰戰則我援甲冑行獵則我佩弓矢出何
得不爲和碩貝勒楊古利等以奏

上命勸其勿怨望天聰元年五月

上親征明錦州留阿巴泰與貝勒杜度居守十二月察哈爾昂坤杜稜來歸設宴阿巴泰語納穆泰曰我與小貝勒列坐蒙古貝勒明安巴克俱坐我上實恥之納穆泰入奏

上宣示諸貝勒於是大貝勒代善等率諸貝勒訓責之曰德格類濟爾哈朗杜度岳託碩託早隨五大臣議政爾不預阿濟格多爾袞多鐸皆

先帝分給全旗之子諸貝勒又先爾入八分列今爾爲貝

勒心猶不足欲與和碩貝勒抗將素紀綱耶阿巴
泰引罪願罰於是罰甲冑雕鞍馬各四素鞍馬八
二年五月與貝勒岳託碩託等往征明錦州敵棄
城退守寧遠自十三山站以東毀墩二十一斬守
者三十人獲人畜毀錦州杏山高橋三城師還

上出城五里郊迎三年十月

上親征明由喀喇沁之波羅河屯行七日

命阿巴泰同貝勒阿濟格率左翼軍攻龍井關克之毀水

關入明漢兒莊副將易愛洪山口叅將王遵臣以
兵來援我兵迎擊敗之斬愛及遵臣進克漢兒庄
事詳英親王傳時右翼軍克大安口

上親統師克洪山口並趨遵化十一月敗明援兵自山海
關至者下遵化城由薊州三河縣趨通州明大同
總兵滿桂宣府總兵侯世祿屯順義縣阿巴泰與
岳託分兵擊走之獲馬千餘駝百餘順義知縣率
衆降大軍逼京城

上駐營城北土城關之東北明寧遠巡撫袁崇煥錦州總
兵祖大壽以兵二萬來援屯廣渠門外阿巴泰奉
命同貝勒莽古爾泰阿濟格多爾袞多鐸豪格等迎擊之
聞敵右伏兵甚衆因約軍入隘趨右由正路入者
與避敵同豪格趨右敗伏兵轉戰至城壕阿巴泰
與豪格離由正路衝潰敵兵亦抵壕旣收軍諸貝
勒大臣議阿巴泰違約罪應削爵奪所屬人戶給
豪格

上曰阿巴泰非怯懦者特以顧其二子致離豪格耳朕奈何以子故加罪于兄因宥之十二月同阿濟格等畧通
州焚其船攻克張家灣遂與代善等從

上閱形勢于薊州敗山海關援兵五千餘事具英親王傳
四年正月大兵至永平捕斬叛將劉興祚于山海
關攻克永平事具鄭獻親王傳二月

上班師

命阿巴泰同貝勒濟爾哈朗薩哈璘鎮永平四月明兵自

樂亭撫寧來攻我軍之駐守灤州者擊走之事具
額毅親王傳五年七月初設六部

命阿巴泰管工部事八月從

上圍明大凌河城正黃旗兵圍北面之西鑲黃旗兵圍北
面之東阿巴泰軍其中策應十月明總兵祖大壽
降復縱回錦州爲內應

上議取錦州策

命阿巴泰與貝勒德格類多爾袞岳託率兵四千易漢裝

偕大壽及降兵三百五十人乘夜襲錦州漏二鼓
礮聲不絕錦州城中聞之以爲大凌河圍者得脫
分路來援我軍擊敗之斬馘甚衆會天大霧覲面
不相識兵皆失隊伍乃收軍還七年三月監築磐
蘭城五月

召宴

賜御用蟒衣一紫貂皮八馬一六月

詔問征明及察哈爾朝鮮三者何先阿巴泰奏言明之情

形

皇上已悉知之其地利臣等亦熟識之宜選精兵襲其邊
牆則關門可得

上親統大軍駐關外擇貝勒大臣分路馳入駐軍內地獲
其人可用者用之消息易得錦州無足顧慮天時
已至可令祖大壽入山海關與我兵會合攻取八
月與阿濟格薩哈璘豪格等統兵二千畧明山海
關而還俘獲人畜四千二百有奇八年五月隨

率大兵征明宣府八月同阿濟格攻克靈邱縣及王家

莊獻捷大同城南山岡

御營九年七月

論之曰爾嘗自謂手疼似覺不耐勞苦不知人身血脉勞則無滯惟圖家居佚樂身不涉郊原手不持弓矢忽爾行動疾痛易生若日以騎射爲事奚復患此凡有統率士卒之責者非躬親教演士卒孰肯專心武事騎射之藝精于勤而荒于嬉不可不時加練習爾當努力奮勉

母偷安旦夕斯克敵制勝能報

先帝養育之恩爲國盡忠矣崇德元年四月晉封多羅饒
餘貝勒六月同武英郡王阿濟格等往征明克雕
鷲保長安嶺保薄延慶州先後克定興安肅客城
安州雄縣東安文安寶坻順義昌平遇敵五十六
戰皆捷生擒總兵巢丕昌等又遣都統譚泰等設
伏斬遵化三屯營守將我師方出關明兵躡其後
還擊殲之獲馬百四十餘捷

聞

勅諭嘉獎

賜馬二匹九月凱旋

上親迎之十二月

上親征朝鮮

命阿巴泰駐噶海城收集邊民防敵二年二月遣兵入明

義州界捉生獲二人是月朝鮮降

上班師阿巴泰携駐噶海兵還瀋陽三年二月

上親征喀爾喀

命阿巴泰與禮親王代善等留守

盛京併監築遼陽都爾弼城五月

命治盛京至遼河大路九月同睿親王多爾袞征明自青

山關毀邊牆入四年四月凱旋

賜馬二銀五千事具睿忠親王傳九月同武英郡王阿濟

格等赴明錦州寧遠偵敵五年六月同睿親王多

爾袞等赴明義州督兵屯田有功七月同貝勒杜

度等率兵設伏寧遠路殲明運糧兵獲米千石九月敗明杏山松山兵時大軍更番圍錦州受代而還十二月

命同親王多爾袞豪格貝勒杜度往代鄭親王濟爾哈朗等圍錦州六年三月以聽從睿親王離錦州城三十里駐營及遣兵還家事論削爵奪所屬戶口

詔從寬罰銀二千兩六月復攻圍錦州明總督洪承疇以兵十三萬來援我兵敗其三營獲馬五百七十

上親征殲敵數萬九月

駕旋留軍合圍松山杏山高橋

命阿巴泰仍與諸王更番圍錦州七年三月錦州降同鄭

親王濟爾哈朗等進克杏山回駐錦州七月從錦

州受代還敘功

賜蟒緞七十月

特授奉命大將軍同內大臣圖爾格等征明

上親送郊外十一月由黃崖口入敗明總兵白騰蛟白廣